

Leksyon 5: Pagpangalagad

Mahimo nimong itudlo kini nga leksyon sa kinatibuk-an niini o bahinon kini sa mugbo nga mga bahin. Ipahiuyon ang leksyon sa inyong lokal nga mga kahimtang ug sa mga panginahanglan, mga edad, ug panabot sa kapangulohan sa inyong korum o sa klase.

SI JESUKRISTO MITUDLO KANATO KON UNSAON SA PAGPANGALAGAD

Aron sa pagtabang sa mga sakop sa kapangulohan sa korum o sa klase nga makakita ni Jesukristo isip ilang ehemplo sa pagpangalagad, mahimo nimo silang dapiton sa paghisgot mahitungod sa Iyang mga pagtulun-an ug ehemplo sa pagserbisyo (tan-awa sa [Lucas 10:25–37](#); [3 Nephi 17:5–10](#)). Ipasabot nga ang pagpangalagad mao ang pag-atiman sa usa ka tawo sama sa unsay buhaton sa Manluluwas. Kanus-a kini gibuhat sa usa ka tawo alang kanimo, ug unsa ang imong gibati niini? Sa unsang paagi ang ehemplo ni Kristo magamit sa atong mga paningkamot sa pagpangalagad sa atong korum o mga sakop sa klase? Ngadto sa uban?

KITA MAKAPANGALAGAD NGADTO NIADTONG ANAA SA ATONG PALIBOT

Aron sa pagtabang sa mga sakop sa kapangulohan nga makadawat og inspirasyon kon unsaon sa papangalagad ngadto sa mga sakop sa ilang korum o sa klase, dapita sila sa paghisgot sa matag tawo gamit ang ngalan (ang secretary makakuha og listahan sa mga sakop sa klase gikan sa Member Tools nga app o sa klerk sa ward). Ang mosunod nga mga pangutana makatabang:

- Unsa ang atong nahibaloan mahitungod kanila?
- Unsa ang ilang talagsaong mga kalig-on ug mga hagit?
- Unsa ang atong mahimo nga tingali makatabang kanila (sama pananglit, diha sa pagserbisyo ug mga kalihokan ug sa Dominggo nga mga miting)?

Hangyoa ang mga sakop sa kapangulohan sa paghunahuna usab sa unsang paagi sila makaawhag sa mga sakop sa korum ug sa klase sa paggamit sa ilang mga kalig-on ug mga talento aron sa pagpangalagad sa uban, sa sulod man o gawas sa ilang korum o sa klase.

Dapita ang kapangulohan sa korum o sa klase sa paglihok kon unsa ang gibati nila nga angay buhaton. Tingali gahan sila nga moribyu ug mousab sa mga plano nga gihimo sa ilang pinakabag-ohay lang nga miting sa kapangulohan aron malakip ang ilang bag-o nga mga plano. Siguroa nga makasabot sila nga ang sensitibo nga impormasyon nga gipaambit mahitungod sa mga indibidwal kinahanglan nga ipabilin nga kumpidensyal.

SUPORTA NGA MGA KAPANGUHAAN

- *Kinatibuk-ang Tamdanan nga Basahon: Pagserbisyo diha sa Ang Simbahan ni Jesukristo sa mga Santos sa Ulahing mga Adlaw*, [kapitulo 21](#), [ChurchofJesusChrist.org](#)
- [2 Mga Taga-Corinto 6:4–7](#); [Mosiah 18:8–9](#); [Doktrina ug mga Pakigsaad 84:106](#)